

佛法要論

佛法要論

# 佛法要論序

甚矣衆生之昏迷倒惑。莫能自悟也。背本具之如來智慧。逐幻現之衆生根塵。於空華幻影之聲色貨利。起愛憎執著之貪瞋癡心。貪瞋癡既起之於心。殺盜姪便作之於身。自茲久經長劫。互相報復。從苦入苦。無所底止。縱或戒善禪定自修。得生人天善道。而惑業未斷。福盡猶復墮落。輪迴六道。了無已時。然得人天者如客居。墮三途者如家鄉。如是則不但三途可畏。雖人天亦復可畏也。於是大覺世尊。特垂哀憫。示生世間。成等正覺。隨順衆生。說種種法。大根則直說一心具造之理。令彼親得證悟。小根則詳示三世因果之事。令彼漸次修持。既知此理。此事。誰肯懷珠作丐。求樂得苦。其背塵合覺。返迷歸悟。以期復我本具之天真佛性。不容已也。雖然。煩惱深厚。未易消除。非多劫善根成熟者。實難現生。卽得超出輪迴之外也。故我世尊。以大慈悲。特開一仗佛慈力。往生淨土法門。俾彼上聖下凡。同於現生。往生西方。實爲撫育保綏之要道。亦是速證菩提之妙法。以一切諸佛。非此法莫能圓滿菩提。一切衆生。非

此法莫能卽出生死。下手易而成功高。用力少而得效速。由其以果地覺。爲因地心。故得因該果海。果徹因源也。近來世道人心。壞至其極。廢經廢倫。競立新法。昧因昧果。任意妄爲。因茲天災人禍。屢屢降作。匪盜縱橫。民不聊生。憂世之士。怒焉傷悲。達庵居士馮寶瑛者。宿植德本。篤信佛乘。徹悟自心。深入經藏。憫斯人之迷昧本心。述救世之佛法要論。種種發揮。契理契機。俾知吾心固有之佛性。銅蔽於幻妄所起之惑業。因茲於三途六道中。受生受死。故致其形陋劣。其識暗昧。其受用困苦艱難。危險逼迫。譬如置惡陋之相於明鏡之前。斷無微妙莊嚴之善影可得。從茲洗心滌慮。篤修戒善。及與禪定。以作出世之因。又復發四宏誓願。與大菩提心。自行化他。共修淨業。以期一期報盡。徑生西方。親炙彌陀。參隨海衆。速證吾心本具之佛性。普度法界無邊之衆生。如是則上不孤於佛化。下不負乎己靈。而達庵著論之深心。與諸君流通之至意。亦可暢慰而無遺憾焉。

民國十五年丙寅舊曆三月朔常慚愧僧釋印光撰

佛法要論目錄

世界篇	.....	一
三界篇	.....	三
世法篇	.....	六
小乘篇	.....	十六
大乘篇	.....	二十六
淨土篇	.....	三十五
附錄	.....	四十五
宿命通原理	.....	五十四
明空印法師金鈴辯惑	.....	六十一
發菩提心論表記	.....	末頁

# 佛法要論

印光法師鑑定

達庵居士馮寶瑛編

## 世界篇

世界者。無量時間與無量空間聯貫而成之幻體也。亦謂之世間。世界現象繁複極矣。科學者局部研究之。哲學者大體觀察之。所得者。不過枝枝節節之幻景因果律而已。於世界真相。未有能明之者。有之厥惟佛法。夫世界真理。俯拾即是。本無待他求。世人殫竭心力而不能得者。爲不知其要所在也。佛法者。獨得其要焉。利根一超直入。當下了了。其次學而知之。又次困而知之。其能有成一也。然而其要安在。曰在明吾心。

心有真有妄。一而二。二而一。凡衆之心。奔逸放弛。念念流變。曾無一息之停。此妄心也。奔逸知所止。放弛知所攝。寂寂然歸於光明普照之妙。此真心也。握要言之。妄心所以爲妄。在以能覺之心。對待所覺之境。心境角立。能所溝分。始焉以妄心開妄境。

繼焉以妄境熏妄心。輒納陳迹爲種子。一遇機緣適合。又復開爲對境。相開相納。流變靡已。從起滅無定言。謂之生滅心。從納種開境言。謂之藏識。真心寂照一如。故又曰真如。語其究竟。舉心卽錯。動念卽乖。實無一字可說。若強說之。則卽心卽境。能所雙忘。八字。其庶幾乎。然不可隨文字轉也。蓋作能所雙忘之念。此念分明。是所而作念之心。分明是能。並此能所而求盡之。是亦能所也。展轉求盡。根蒂仍存。必實地行持。得諸離言絕思以外。庶可稍分相應耳。當其相應也。大而山河震撼。小而蚊蚋噉。嘈顯而萬象森羅。隱而一念忽動。無不消歸自性。世界現象。遂與吾心交相融化。無迹可尋。其中寂靜光明。靡可言喻。一不相應。則妄心妄境。相與判然。世界輒復脫露而出。是知世界或融或露。完全操自我心。一言蔽之曰。世界者我心之所表現耳。雖然。猶有說焉。凡具妄心者。皆謂之衆生。亦謂之有情。衆生多至無量無邊。我祇其中之一。我心能現我世界。一切衆生亦莫不各現其世界。我所現者。應如我之幻夢。他衆生不能相知。他衆生所現者。亦應各如一己之幻夢。非我所能知。而事實上彼此身形乃能互見。且復有山河草木等無情器界爲衆所共覺。抑又何也。曰。此同分

妄見使然也。夫有一牆於此。能礙我身。亦能礙他人之身。爲各起妄見。適相契耳。非實有牆之存在。如以牆爲實有。彼趙襄子安得見石壁之人出入自如耶。（出列子）一牆如是。一切器界。可以類推。質言之。同一世界之衆生。環界能相符合。必大衆妄見從同之分量。不能逾最低之限度。使逾限度。卽不能入此世界。而附於所能合格之他世界矣。

西洋學者。不審世界之虛妄。紛取一切同分妄見爲研究之對象。所得因果定律。雖資歸納演繹而來。不知所資亦依同分妄見而建立。故無論如何觀察經驗。終屬幻影。上一種比例法。或曰既屬幻影。何以能施諸實用。曰實用二字。何嘗能逾同分妄見一步。卽此一問。亦妄見也。打破此關。方足與知世界真相。

學者讀畢此篇。能心領神會固佳。如未遽能。不妨接讀以下諸篇。俟依法修持漸熟。再行覆閱。真趣自出。

### 三界篇

吾人所居世界。號曰娑婆。娑婆者。忍受煩惱之義。所以蒙此名爲大衆同分妄見。恆



爲煩惱纏縛故。就纏縛之現象言之。凡分三界。一欲界。二色界。三無色界。欲界衆生。身形心狀情欲。三事具足。色界能脫情欲。無色界則並身形亦無。惟餘心狀而已。

欲界具含六道。曰天。曰人。曰阿修羅。曰鬼。曰畜生。曰地獄。前三名三善途。後三名三惡途。六道所由成。各緣藏識所伏種子之成熟。種子良者。善途中現。種子劣者。惡途中現。種子或良或劣。視夙昔造業善惡爲之因。善惡業細目繁多。括其要。則各具十種。殺生、偷盜、邪淫。此惡業之形。諸身者也。妄言、綺語、惡口、兩舌。此惡業之宣。諸口者也。貪欲、瞋恚、愚癡。此惡業之動。諸意者也。戒此十惡。則爲十善業。

欲界所依之地。準內典所載。以須彌山居海中。出入水面各八萬四千由旬。（每由旬約四十里。）其外分布七香水海。七金山。再外有鹹海。有鐵圍山。鹹海之中。東南西北各現一大洲。大洲邊附以二小洲。日月繞須彌山而行。東洲名弗婆提。南洲名閻浮提。西洲名瞿耶尼。北洲名鬱單越。此皆人道所居。今人所謂地球。卽閻浮提也。近世學說以地球繞日。月繞地球。乃由揣度而成。並無天眼爲之實證。（天眼義詳小乘篇。）他日思惟轉變。今說又將搖動。讀者洞明佛理之後。自覺太陽系進化談

及天文家種種假定。皆戲論也。

人之所以爲人。爲夙修十善得其中者之果報。而其間又有差等。東西南三洲苦樂狀態。大致不甚懸隔。北洲則以善因較勝。故所享亦較愉快。衣食器具。皆由植物直接供給。不假工作。地產釜鏡。中置焰火珠。投米於中。珠自發熱。飯熟乃已。男女相悅。則會於林中。如無血統關係。樹爲之合。若帷帳然。否則不合。男女自散。不敢強所欲也。顧此等歡會。終身不逾五次。非縱欲無度者可比。女子懷妊。七八日卽產。置諸道周。喜之者撫而餵之。七日卽長大成。人男入男羣。女入女羣。無所謂家族也。姿容咸如吾輩二十許年紀。享壽千歲乃逝。無中途夭折者。溺便於地。地爲之裂以納。汚納已卽合。地柔軟如棉。足按之。恆凹四寸。拔足則舒如初。華美之樹。葉葉相次。風雨不漏。爲天然廬宇。男女日事遊觀。蕩舟。脫衣浴於池。浴畢。隨手取衣飾於岸。不必原物。其人民不私已有。有如是者。（此舉大略。欲知其詳。可參觀長阿含經。）吾輩南洲。人力少一分。資生之具卽減一分。今世電爐。電燈等物。疑若較爲省事。不知乃他種人力之變相。非焰火珠可比。人民爲維持生活計。不得不私所蓄。既有私蓄。斯有爭。

奪此亂之所由來也。政治社會諸問題。任如何研究。終無絕對實效可期。蓋利之所在。弊卽寓焉。福之所起。禍卽伏焉。欲與北洲並美。無此事也。然因苦心志。勞筋骨。行拂所爲。正所以促成上探大道之念。則遠非北洲所能望焉。

夙修十善。得上者業種成熟。卽生天道。天之所以勝於人。約有三事。一爲化生。化生者。機緣一至。卽託境現身。無處母胎之苦也。二爲身勝。人中之痰涕精涎。便溺垢膩等。一切不淨物。諸天皆無之。而天女姿色。美好特甚。任吾人傾城傾國之容。傅以香花香水之飾。自天視之。惟覺劣陋臭穢。不堪親近。三爲衣食。思之自至。宮室受用現成。視北洲取資於植物。猶嫌不便。勿論南洲。須待胼手胝足也。天之層次有六。以屬欲界。常稱六欲天。初曰四王天。居須彌山腰。二曰忉利天。居須彌山頂。此二天屬地居。三曰夜摩天。四曰兜率天。五曰化樂天。六曰他化自在天。此四天屬空居。六天樂境。逐層遞勝。四王者。因須彌爲四寶合成。東黃金。南琉璃。西白銀。北水晶。四面各以一王領之。故名忉利。義爲三十三。以其天有君主一。臣佐三十二。合組地居天政府也。凡依地而居之衆生。皆歸此政府統攝。主名帝釋。古德考定。謂卽道家之玉帝。

儒家之上帝。道家修煉成仙。勢須上參帝釋。故知尊之。三代以前。人民業障較薄。於帝釋彰善瘴惡之舉。每能有所感覺。故詩中累舉上帝以爲頌。後人業障較深。對於帝釋。冥然罔覺。讀儒書者。不知錮蔽。往往自負高明。以爲上帝二字。係屬虛擬。遂與耶教所用名詞。同一無味矣。空居四天。較爲尊貴。不與人間相接。故吾人尤難與知。此四天所以能空居。爲兼修未到定之力。定者。結跏趺坐。排除妄想。俾心安定。（欲知其詳。可取台宗止觀研究之。）或本梵音略名曰禪。或合稱禪定。未到者。以未能捨離情欲。非根本之禪也。夜摩。義爲善時。以生此者。時時唱快樂故。兜率。義爲知足。以生此者。於諸欲能知足故。化樂者。於境變化自娛。（如欲乘象馬。則化象馬騎之。以爲樂。）他化自在者。假他所作樂境。以成己樂也。若夫情欲之娛。則形式逐層遞簡而愈樂。地居二天。有交媾之形。無洩精之穢。夜摩則惟抱持。兜率不過執手。化樂共笑。他化相視。（此本俱舍頌及立世論。若起世經則微異。）此等欲事。祇爲縱樂。而然。與胎育無關係。以諸天化生。不由母胎故。惟縱樂不已。藏識所伏種子。適爲下墜惡途之因。斯可懼耳。及命將終。則有五種大衰相現。一爲衣染塵埃。二爲華鬢萎

悴。三爲兩腋汗出。四爲臭氣入身。五爲不樂本助。是誠六天之通病也。

阿修羅。具含無天、不端正、無酒等義。以其乏天之德。而男子貌奇醜。又少和氣。不能成釀也。所居在須彌山巖窟中。或散在海濱。或潛在海底。夙修十善。而瞋慢疑三習特盛者生之。其生也。多忿怒。好鬪諍。所享之樂。宮室華美。衣食亦出自然。然判在入道之下者。爲日中不免自然之苦。避之不得。如享盛饌。末箸入口。化爲淤泥。是其例也。（其他種類住處。及諸典實。楞嚴正法念增一阿含等經。均有詳載。未及具引。）至吾人所能發現之處。於瞻波國有修羅宮。唐使王玄策曾三度過其地。（出西國志）而玄奘法師之遊西域。又別有所得。

閻浮提二萬由旬下。有地獄道。其中衆生身形。雖與人同。而處境則惟苦無樂。獄之重者爲八大獄。一等活獄。生其中者。鐵爪長利。懷瞋互攫。又以刀劍遞相斫刺。鬻割或身碎。或肉墜。想以爲死。冷風來吹。則若復活。二黑繩獄。恆爲熱鐵繩所迫。皮肉骨髓皆焦。其中兼受斬鋸之苦。三衆合獄。中有大石山兩兩相對。衆生入其間。山自然合。堆壓其身。骨肉糜碎。四嗥叫獄。鑊湯熬煎。苦極而叫。五大叫獄。乃煮煎尤慘者。六

炎熱獄。受燒炙之刑。七極熱獄。乃燒炙之甚者。八阿鼻獄。義爲無間。此爲八大獄之最下層。衆生墜此。受苦無間。乃世間最悽慘處也。大獄之旁。各有十六小獄。未及細舉。此外尙有輕獄。散佈鐵圍山間。及東西南三洲山林江海等處。此道衆生。所以飽嘗苦況。原因對十惡業。曾作重大過犯。（或獨犯一業。或兼犯多業。）業種爲反動。力所迫。遂演成種種苦惱之形。輕獄重獄。閻王隸役。皆自業之所感召。業力不消。實無擺脫之法。（其中詳細關係。見楞嚴起世等經。）後世自號開明之士。有以地獄乃傲世之權詞。此坐學驗兩淺之過耳。晉中散大夫趙泰於太始五年暴死。因心煖體柔。留屍十日。乃復甦時。此十日間。受職案行地獄種種苦況。目不忍睹。祖父母及二弟與焉。甦時詳記以示人。且稔知心奉佛法。足以轉業。（出冥祥記）此地獄之最詳晰者。世有走無常於地獄形相。亦有所親見。故能言之如繪。明永樂宣德間。有酆都令尤和者。素闢地獄之說。卒以走無常勾攝其弟付獄事。確確鑿鑿。無致疑餘地。遂大爲帖服。且刻石於酆都觀。紀其實。以示前此坐井觀天之失。（出語怪）後之硬主無地獄者。又將爲尤和之所憐愍矣。

鬼道住處。有正有邊。正住。在閻浮提下五百由旬。邊住。散居諸處。凡曾犯十惡。其業尙輕者。生之。身形亦如人。中分有威德。無威德。二種。有威德者。得住地居天。及四洲海濱山谷之間。皆有宮室之御。享用過人。世俗崇奉之神。卽此類鬼也。無威德者。雜處東西南三洲人道之間。或依糞穢。或附草木。或憑塚墓。或隱屏廁。並無舍宇棲止。業較微者。尙能一飽。業較重者。饑火長焚。去人遠矣。其與人同居。不相交涉。爲成身之物質。兩不相同也。禪定功深。或特具鬼眼。庶睹其憧憧來往焉。疑者曰。無威德鬼列入惡途宜矣。有威德鬼樂擬於天。人且奉之。何惡之云。曰。彼所以樂。由昔日布施種子。隨機成熟耳。（布施義詳世法篇）雖號爲神。而晝伏夜遊。虛怯多畏。依然鬼道本色也。我國鬼神之談。散見經史子集者。何可勝道。而通幽扶鸞諸術。又往往有奇驗。近日西人于鬼之事實。漸有所徵。鬼神問題。亦認爲有研究價值。（且有影鬼相之事）昔人無鬼論。誠無立足餘地矣。

畜生廣義。凡吾人所能知之動物。除人類外。上至巨獸。下至微蟲。皆爲所攝。非僅局於家所豢養。其身形特稱旁出。異于五道。此爲夙昔對於十惡。作普通過犯之業報。

也。顧吾人所能知。祇在閻浮提與人同居之一部。其實畜類住處。諸道咸有。獄道之畜。如蛇。如鴟。如黑駱狗。如百足蟲。自無足以迄多足之毒類。皆生其中。鬼道則益以狐狸象馬之屬。混居人道者。東西南三洲現象略同。北洲則惟有鴻雁象馬不惡之畜。無足多足之屬。概不與焉。六欲中天。空居四天。祇有二足之畜。如妙色鳥之類。雖有象馬娛樂。乃是幻化所成。非若地居天實有其物。以供乘御也。畜類之大者。以難陀、跋難陀、二龍變現之身爲最巨。身繞須彌山七匝。頭枕山頂。尾猶在海。其長大爲何如也。金翅鳥首尾相距八千由旬。摩竭大魚身長可達七百由旬。此二畜雖較二龍遠不能及。然既非吾人居地所能容。亦非吾人肉眼所能見。莊子逍遙遊所謂鯤。所謂鵬。殆有窺見於此。姑以鯤鵬名之乎。畜類之小者。杯水微蟲。其數無限。今人假助顯微鏡。侈談微生物。不知較天眼所得。實渺乎其少也。吾人既局於肉眼。不能博觀世界生物。其略足資助者。不外地質家之發見遺骨。藉知古代形式變異之物耳。然所以變異。由於今昔造業不同。故表現於外之幻象。未能一致。而業因之遞變。前後相承。不能忽甲忽乙。因之幻象亦漸次微變。若循一種軌跡焉。進化學者乃視爲



莫大之祕奧。強作生物演進之證據。夫吾人所能考察之地層。充其量能有幾何年。以此等年較世界無量時間。以所居地較世界無量空間。皆所謂無窮小數中之無窮小數。於此微乎其微。末乎其末。時空中所得之幻影。欲以斷定世界無量時空之一切現象變態。何其妄也。今夫平圓。孰不知其爲循環之圈乎。而於其中取無窮小弧。則弧線與切線。若合爲一。因其合一之故。從而下斷語曰。弧者直線也。累弧成圓。則圓者亦一直線也。是人之妄。不問可知。然知是人之妄易。而知進化論之妄難。則習焉而不知察之過也。

色界衆生。大別爲四天。曰初禪。曰二禪。曰三禪。曰四禪。此爲超未到定而入根本四禪所得果報也。所以亦稱天道。以不離十大善因。故四種禪。由淺漸深。初禪能離諸欲。未脫覺觀。（蠱思爲覺。細思爲觀。）二禪能離覺觀。而耽喜樂。三禪能捨喜相。猶住樂法。四禪始能捨樂。護念清淨。

初禪內分梵衆、梵輔、大梵、三天。中無男女之分。猶有語言號令。三天之別。初爲民。次爲臣。又次爲王。二禪內分少光、無量光、光音、三天。此三天以光勝。初尙少。次乃無量。